



# 1998/08 Disko

<https://ads.jungle.world/artikel/1998/08/jeckisch-soll-se-sinn-die-revolutiun>

## Jeckisch soll se sinn, die "Revolutiun"

Von **Martin Krauss**

<none>

Eine Büttenrede zugunsten des kölschen Karnevals in zehn Strophen

En linke Wochenzeitung hock eröm un öwwerlät  
Ob wer wat Joodes övern Karneval ze saje hätt  
Denne Lück fällt zem Verrecke niddens wat in  
Se wissen nit, woher, wohin  
Kümmern sich nit um all die Lück  
Ungerschiede nit: Wat is Driss, wat is Jlück  
Han kinn Ahnung, wie er is, der Karneval,  
Wie wöret mit: En schön Abwechslung vum "Jammertal"  
Der dat jesaat hätt, dat wor de Marxens Kalle  
Und dat is der, den ham wer leev doch alle.

TäTää

Fange mer also janz einfach aan  
Karneval is för de kleene Mann  
Uch für die kleene Wiever isser do  
Ewwer halt nit dat ganze Johr  
Un dä Pänz is, die dun doch nemme vum Haufen  
Wenn se sich um ihre Kamelle raufen  
Karneval is dat bißje Anarschie, wat öwwerisch bliev,  
Wemma is in der "Warenjesellschaft" möt sin aktiv  
Un der dat jesaat hätt, dat wor de Marxens Kalle  
Und dat is der, den ham wer leev doch alle.

TäTää

Dat Anarchische, dat is midden op Stroos un Jass  
Un määt all denne Lück ze baschte Spass  
Dat merk man drek uch an de Kostüme  
Dat sinn nämlich kinne Unjetüme  
Do jehst als Indianer uder als Scheich  
Wie de willst, alle sin gleich  
Dat sinn uch kinne Uniforme  
Denn se gehorsche kinne "Norme"  
Un der dat jesaat hätt, dat wor de Marxens Kalle

Und dat is der, den ham wer leev doch alle.

TäTää

Der janze Kostümier, watt der Jeck hätt am Liev  
Dat is Vermummung und schwer subversiv  
Nemme mir nur zum Beispiel dem Prinz singe Staat  
Watt der all aanhätt, dat is mih wie apart  
Dazu nu Bauer, Jungfrau un Ihregard  
Dat is nit, worup de Staat hätt gewaart  
Öwerhaup donn sisch mim Karneval janz schwer  
Verarschte Preusse un insjesamt et "Militär"  
Un der dat jesaat hätt, dat wor de Marxens Kalle  
Und dat is der, den ham wer leev doch alle.

TäTää

Subversiv is uch, wat de Jeck su Jesanglich bring  
Nee, nee, isch meen jetz nit dat Leed vum schöne Rhing  
Uch nit "Rucki Zucki" und Helau  
Dat is us Mainz un also lau  
Dat Leed vum Schmitze Willi, "Es ist noch Suppe da"  
Dat is der rheinische Volksküchen-Lambada  
Für die Rische immer winnijer, für die ärm Lück immer mih  
Is alsu janz noh draan an ner "Demokratie"  
Un der dat jesaat hätt, dat wor de Marxens Kalle  
Und dat is der, den ham wer leev doch alle.

TäTää

Uch ökolojisch kütt öwerhaup nix ze koot  
Do weed gesunge: "Dat Wasser vun Kölle is joot"  
Su heeß ene ahle Hit vun de Bläck Föös  
Jrad bei Huhwasser is dat janz schön bös  
Oder dä Song "Wer soll dat bezahle"  
Hätt ze don mit de Sorje, de ahle,  
Ma kritt nit su vill Jäld, wie ma jearbeit hätt  
Un datt is janz lojisch die Sach mit dem "Mehrwätt"  
Un der dat jesaat hätt, dat wor de Marxens Kalle  
Und dat is der, den ham wer leev doch alle.

TäTää

Uch zum Sitzungskarneval muss me wat saje  
Dä is nit su schläsch, wie mansch Lück ihn mache  
Dat Colonia-Duett mit dem Hänschen Süper  
Dat ist, wie ma hück saje dät, janz schön hyper  
Und de Bläck Föös, die han isch jo schunn jeloob  
Ewwer dät is noch lang nit das janze Aufjebot  
Wenn nämlisch dat Rumpelstilzchen in de Bütt rinsteesch  
Dann weed et immer janz schön "kritisch"  
Un der dat jesaat hätt, dat wor de Marxens Kalle  
Und dat is der, den ham wer leev doch alle.

TäTää

Un uch nit verjesse darf man foljenden Umstand

Wenn Karneval is, dann ruht et Fabrikband  
Da weed jesoffe, jedanz und jesunge,  
Ärbigge det kenner in de Fabrik janz unge  
Dat Räch op Faulheit is Realität  
Ohne dat dat irjendwer befohlen hätt  
Kenner hätt jetz jet ze saje, nit us de Polit-  
ik, niemand produziert hä un hüeck "Profit"  
Un der dat jesaat hätt, dat wor de Marxens Kalle  
Und dat is der, den ham wer leev doch alle.  
TäTää

Janz wischtisch im Karneval, dat möt mer saje  
Is und bliev, is klar, die Frauenfrage  
Dä Wieverfasteloovend, die kütt aus Beuel  
Un die is den Kerlen in Bonn enne Greuel  
Do hann ens de Wäscherinnen et Rathaus jestürmp  
Un die Politiker, die sinn dann öwwer de Rhing jetürmp  
Dat is zwar schunn lang her, is ewwer immer ne Spaß  
Un Jeschichte wiederholt sich jo mitunger als "Farce"  
Un der dat jesaat hätt, dat wor de Marxens Kalle  
Und dat is der, den ham wer leev doch alle.  
TäTää

Bliev noch dat Suffe, beim Karneval krit keener jenooch  
Ist dat jetz dat Arjument jäjen den Rosenmondachszooch?  
Nur weil se do mache, wat de Redaktör immer mät  
Wenn er owends ussem Bürro erussjäht?  
Weil ma at Kölsch suff am fröhe Morje  
Und nit waad bis ma hätt owens de Sorje?  
Isch jlööv, wat ze sajen wor, is jesaat schun  
Jeckisch soll se halt sinn, die "Revolutiun"  
Un der dat jesaat hätt, dat wor de Marxens Kalle  
Und dat is der, den ham wer leev doch alle.